



## TOSHKENT DAVLAT YURIDIK UNIVERSITETI REKTORINING B U Y R U G ' I

---

2020-yil « 11 » 08

08-140 -son

### **Тошкент давлат юридик университети ва унинг муассасаларида коррупциявий ҳуқуқбузарликларга қарши курашиш юзасидан чора-тадбирларни белгилаш тўғрисида**

Ўзбекистон Республикаси Президентининг 2020 йил 29 апрелдаги ПФ–5987-сон “Ўзбекистон Республикасида юридик таълим ва фанни тубдан такомиллаштириш бўйича қўшимча чора-тадбирлар тўғрисида”ги Фармонда (кейинги ўринларда – Фармон) белгиланган вазифалар ижроси юзасидан Тошкент давлат юридик университетида (кейинги ўринларда – Университет) ишлаб чиқилган локал ҳужжатлари юзасидан

### **Б У Ю Р А М А Н:**

1. Фармонда белгиланган вазифалар ижроси юзасидан Университетнинг “Тошкент давлат юридик университетининг коррупцияга қарши курашиш дастури (сиёсати)”, “Тошкент давлат юридик университетининг 2020/2021 ўқув йили учун коррупцияга қарши курашиш дастурни амалга ошириш бўйича “Йўл харитаси”, “Тошкент давлат юридик университети ходим, талаба, ўқувчи ва докторантлари томонидан коррупциявий ҳуқуқбузарликлар содир этишга оғдириш мақсадида мурожаат қилиш ҳолатлари ҳақида хабардор қилиш тўғрисида Низом”, “Тошкент давлат юридик университетининг Одоб-ахлоқ кодекси”, “Коррупцияга қарши курашиш бўйича комиссияси Таркиби” (кейинги ўринларда – локал ҳужжатлар) 2020 йил 26 июнь куни Университет Кенгашининг қарори (6-сон мажлис баённомаси) билан тасдиқланганлиги маълумот ва ижро учун қабул қилинсин.

2. Кадрлар бўлими (А.Матмуродов), Университетнинг Ихтисослаштирилган филиали (Б.Абдуллаев), Университет қошидаги Юридик кадрларни халқаро стандартлар бўйича профессионал ўқитиш маркази (А.Якубов) ҳамда Академик лицей (Ш.Бобокулов):

тегишинча ходим, профессор-ўқитувчилар, докторант, мустақил изланувчи, талаба ва ўқувчиларни локал ҳужжатлар билан таништириш;

локал ҳужжатлар талабларидан келиб чиққан ҳолда барча ходимлар билан тузилган меҳнат шартномаларига тегишли қўшимчалар киритиш чораларини кўрсин.

3. Университетнинг Ихтисослаштирилган филиали, Университет қошидаги Юридик кадрларни халқаро стандартлар бўйича профессионал ўқитиш маркази ҳамда Академик лицей (кейинги ўринда – Университет муассасалари) бир ҳафта муддатда мазкур локал ҳужжатларига мувофиқ ҳолда тегишинча Коррупцияга қарши курашиш бўйича комиссия таркибини шакиллантирсин ҳамда 10 кунлик муддатда Одоб-ахлоқ кодексини ишлаб чиқиб тасдиқласинлар.

4. Ҳар ўқув йилининг якунида коррупциявий хавф-хатарларни аниқлаш ва уларнинг бартараф этиш чора-тадбирлари натижалари юзасидан ҳисоботлар Университет ва унинг муассасалари Кенгашларида муҳокама қилинсин ва тегишли чора-тадбирларни ишлаб чиқиш амалиёти жорий этилсин.

5. Мазкур буйруқ ижроси устидан назорат қилишни ўз зиммамда қолдираман.

**Ректор**



**Р. Ҳакимов**